



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

De malitia, & profligatis moribus Antichristi. Sectio III.

urn:nbn:de:hbz:466:1-39261

Aniel. & Raban. (id quod acceperunt ex Methodio in reuelationibus) illum educandum esse in Corozaim, & Bethsaida, & regnaturum in Capharna: videtur quod Method. in eam venisse sententiã propter illa verba Christi Domini Matt. 11. *Ve tibi Corozaim, & tibi Bethsaida, & tibi Capharna: usque in calice exaltaberis, usque ad infernum detraheris.* Citat enim huc locum Method. existimans tunc Bethsaida, Corozaim, & Capharnaum ad infernum usque descensuras, cum in eis educabitur, & regnauerit Antichristus, Verum id incertum est, probabilius videtur, quod scribit D. Ioan. Damasc. libr. 4. fidei Orthodox. cap. 27. Antichristum clam esse educandum, Quod verò attinet ad sedem regni, & imperij metropolim luolo co dicemus.

De malitia, & profligatis moribus Antichristi.

SECTIO IIII.

I. **C**um dictum sit de nomine, ortu, & patria Antichristi, sequitur, vt de ratione vitæ, ac moribus disseramus. Illud igitur primùm constat Antichristum perditissimum, & profligatissimum fore omnium mortalium quotquot vnquam ab orbe condito extiterunt, & ad finem vsque mundi existent: vnde à Paulo 2. ad Thes. 2. per antonomasiam appellatur. *Homo peccati, filius perditionis, & ille iniquus, cuius est aduentus secundum operationem satana in omni seductione iniquitatis.* Quo loco Emphalim habet, *Ille iniquus*, Græcè δὲ ἄνομος: vbi articulus, ο, notat insignem quendam iniquum. Et Matth. 13. iniquus per excellentiam appellatur, cum dicitur: *Ager autem est mundus, bonum verò semen hi sunt filij regni: & zizania autem filij sunt nequam: vbi pro nequam est Græcè ἄνομος in gignendi casu, quasi dicas filij ipsius mali, qui malus, nequam, & iniquus per excellentiam dicitur: quo nomine quidam Demonem, alij Antichristum accipiunt. De eius impudentia locutus est Daniel e. 8. Cum creuerint iniquitates, conserget Rex impudens facie. Delibidine e. 11. Erit in concupiscentijs faminarum: sed de hoc inferius disputabimus. De blasphemijs e. 7. Sermones contra excelsum loquetur, & aduersus Deum Deorum loquetur magnifica. De superbia Paulus 2. ad Thes. 2. Excelsatur super omne, quod dicitur Deus, aut quod colitur. Secundò, Erit omnibus magicis artibus, harioladi scientia, incantationum, & veneficiorum doctrina instructissimus. Ita docet Cyril. Hier. catechesi mystagogica, 15, & Rabanus Maurus tractatu de Antichristo. Habebit, inquit, Antichristus magos, maleficos, diuinos, incantatores, qui eum Diabolo inspirante nutriēt, docebunt in omni iniquitate, falsitate, & nefaria arte, & maligni spiritus erunt duces eius, & socij semper, & comites indiuisi.*

Tertiò, Ab ipso conceptu possidebitur à Dæmone, qui, vt diximus, ad formandam eius corpus concurreret, talemque in eo humorum permissionem efficiet, vt sit natura ad omne vitium maximè propensus. Id quod his verbis explicat Raban. loco citato: in ipso conceptionis initio Diabolus simul introibit in uterum matris eius, & ex virtute Diaboli confouebitur, & contutabitur in ventre matris. Et sicut in matrem Domini nostri Spiritus sanctus descendit, & eam sua virtute obumbravit, vt quod nasceretur Diuinum esset, & sanctum: ita Diabolus in matrem Antichristi descendit, & totam eam replebit, totã circundabit, totam tenebit, totã interiùs externũque possidebit, vt Diabolo per hominem cooperante concipiat, & quod natum fuerit, totum sit iniquum, totũ perditum. Quarto. Talem ab ipsa infanzia Dæmon habebit in eum dominatum, & imperium, absque præiudicio tamen libertatis, vt eum in omnem malitiã, morumque peruersitatẽ impellat.

impellat. Quod significauit Apostolus, cum dixit 2. ad Theff. 2. *Cuius est aduentus secundum operationem Satanae.* Quo etiam sensu dixit D. Hier. in com. super c. 7. Danielis, Diabolum habitaturum esse corporaliter in Antichristo & D. Iren. l. 5. aduersus haereticos c. 25. Antichristum recapitulaturum in se Diabolicam apostasiam. Idemque intellexerunt Ephrem Syrus l. de consumm. seculi & Antichristo. Cyril Hierosol. catechesi. 15. & D. Ioan. Damasc. lib. 4. fidei Orth. c. 27. cum cum *Diaboli organum, & domicilium* appellatur.

Quinto. Sunt qui existiment tantam futuram naturae peruersitatem, & obstinationem ad malum in Antichristo, vt nullam vnquam sit admissurus inspirationem siue Diuinam, siue Angelicam. Ita enim sensit Franciscus Suarius in 3. part. D. Thom. q. 59. disp. 14. Idque confirmari potest ex illis verbis Iob 41. quae sub typo Leuiathan de Dæmone accipiuntur, & ad Antichristum referri possunt: *Corpus illius quasi senta fusilia compactum squamis sese prementibus, vna vni coniungitur, & ne spiraculum quidem incedit per eas.* Vbi significatur animum Antichristi ita futurum vnde quaque obfirmatum, & obstinatum in malo, vt nulli, vel minimae tenuissimae Spiritus sancti aera, hoc est, inspirationi locum præbeat. *Et ne spiraculum quidem, inquit, incedit per eas.* Imo non desunt, qui arbitrentur nullum omnino actum, non dico meritorium, sed ne moraliter quidem bonum effecturum propter cotinuum consuetudinē, & familiaritatē cum Dæmone, & effusam ac proiectam in omnia vitia naturā: cuius sententię est Benedictus Perera lib. 4. in Dan. instigante potissimum Dæmone, cui libera dabitur à Deo facultas eū continuo tentandi, atq. ad omne flagitium incitandi, non tamen supra eius vires, fidelis enim est Deus, qui non sine illius tentari ultra id, quod potest ad Corinth. 10. Nec ei vnquam denegabit auxilium sufficiens ad conuersionē, alias enim non peccaret cōtra manifestam Pauli sententiā, qui 2. ad Theff. 2. appellat Antichristum hominē peccati, & filium perditionis: & quod est consequens, habebit Angelum custodem toto vitæ suae tēpore. Nec enim mihi probatur eorum sententiā, qui existimant Antichristum pauld postquam habuerit vsum rationis deserendum esse à custode Angelo, quod etiam asserit Viguerius in institutionibus Theologicis, cap. 21. §. 3. versu. 3. Sed vt diximus nihil ei proderit Angeli custodia propter summam obstinationem, vt affirmat D. Anton. 4. part. tit. 13. c. 4. §. 3. *Quamuis, inquit, Angelus bonus ei non subtrahatur ad custodiam, tamen postquam incipiet malicia vni, nullum effectum in eum custodia eo obfirmato exercebit.* Illud tamen aduertunt Cyril. Hierosol. catechesi mystagogica. 15. Hippolytus Episcopus & Mart. orat. de consummatione mundi. D. Ioan. Damasc. l. 4. fidei orthodoxae c. 27. Et B. Ephrem Syrus, tract. de consummatione seculi, & Antichristo. Antichristum initio quidem summam sanctitatem, religionemque simulaturum. In primordiis suis, inquit, Hippolytus elemens erit, ad dilectionem quietus, religiosus, pacificus, qui odio prosequetur iniustitiam, detestetur munera, idololatriam non admittat, a male scripturas recureatur sacerdotes, canitiem honori habeat, scortationem repudiet, adulterium abominetur, obreclationes non audiat, deiectiones non recipiat, hospitalis, studiosus pauperum, misericors, viduis opem feret, pupillos tuebitur, cunctos diliget, conciliabit inter homines contendentes amicitia his verbis: *Sol non occidat super iracundiam vestram, ad Ephes. 4. Non possidebit aurum, nec diliget argentum, diuitias non amplectetur. Atque hæc omnia faciet concilio simulato, & fraudulento, quō cōfumentur omnes, vt te regem creent.* Hæc Hippolytus.

III.

Nullū celo admittet inspirationem. Suarius. Iob. 41. 6.

1. Cor. 10. Auxiliū sufficiens Antichristo non denegabitur, vt neque Angelus. 2. Theff. 2. Viguerius, D. Antonius.

Cyrl. Hier. Hippolytus. D. Ioan. D. B. Ephrem. Antichristus vite sanctitatem simulabit.

Ephes. 4. 9.